

筆記小說大觀

集

明徐應秋輯

玉芝堂談薈

第六冊

進步書局校印



五言古詩
題
卷
上

卷
上

玉芝堂談薈卷十一

姑蔑徐應秋君義父輯

混沌初分蝙蝠精

張果為混沌初分白蝙蝠精。見續仙傳。肅宗為僊耳龍。見唐書。杜預醉吐。人見大蛇垂頭。見晉書。郭璞為鼃精。見文選注。王蒙亦為鼃精。見錄異記。高澄為夜叉精。見吳越備史。李紳為黑蛇精。嘗在剡州佛寺晝寢。有僧見黑蛇食丹柰。紳覺曰。適夢樹間食柰甚佳。見雲溪友議。鄭愚為白豬精。見北夢瑣言。明皇微時。至洛陽令崔日知宅。崔設饌未熟。明皇因寢。庭前一架藤花初開。日知見巨蛇食藤花。逡巡不見。明皇覺曰。饑甚。夢中食藤花甚飽。日知乃知他日啓聖之驗也。見逸史。錢武肅王為蜥蜴精。嘗夜令老吏監直。更聽一宵銀板燈。有大蜥蜴據油缸噙之。將竭。倏然不見。明日王曰。昨夜夢飲麻膏充腸而飽。是何祥也。宮人有對者。王微哂而已。見傳奇。蔡君謨知福州。夢登鼓而睡。鼓角將見大蛇盤鼓上。世遂以君謨為蛇精。見范鎮東齋記事。米芾知無為州。詰鼓吏三更不聞鼓聲。吏言有白蛇繞鼓。米領之。叱去。不問。故郡人疑其蟒精。見米芾陽志林。又周詢醉而假寐。園吏見大蛇垂於欄楯。宋楊戩卧牀上。盜入室中。

見之乃一大蝦蟆大可如牀兩目金彩光芒射人春渚紀聞建安章國老之室宜興潘氏女二族稱其韶麗既歸老不數年而卒其終之日飛蝶散滿不知其數聞其始生亦復如是既設靈席每展遺像則一蝶停立久之而去后去遠諱日像側必有一蝶隨至不論冬夏也其家疑其為花月之神畫墁錄李譔諫議知鳳翔卒有蝴蝶之祥自殯所以至府宇蔽映無下足處府宮尊卑接武不相辨揮拂不開踐踏成泥其大者如扇喪行逾日方散千秋金鑑錄安祿山野豬之精腹垂過膝史思明翻鳥之精脇生兩羽楊貴妃白鵲之精指爪純赤又非夢瑣言梓潼張惡子神乃五丁拔蛇之所其神甚靈焉王建世子元膺牙齒常露蛇眼而黑色通夜不寐以作逆伏誅其夕廟祝夢為惡子所責言我往西川方歸何以致廟宇荒穢如是耶由是人知元膺為廟蛇之精定命錄祿山醉卧化為一豬而龍首玄宗識為豬龍鑑戒蒲墳任弘實寐於簷下虹自河飲水俄貫於弘實口蜀僧相之曰蛻龍當近江海方有榮顯後歷一州二鎮俱近大江揮麈錄唐黃巢凌劫州縣有太白山人奏掘破牛山賊自敗掘之見一石桶置劍其上桶中有黃腰獸撲劍而死是秋黃巢衰中原平草木子沔陽盜倪文俊生於黃陂母夢白虎入室遂生吉安志文山為紫瑤山下黃土潭龍常往來

山中客店主夢龍蛻爪於門外。迨曉開門。見公脫履於石。少憩而去。又公好與客奕水中。客不能勝。公鎮日夷然。孫公談圃。鄭毅夫未第時。夢浴池中。化為大龍。池邊小兒數十。拍手呼為龍。公來既覺。猶見其尾曳林間。卒於安州十年。貧不克葬。滕元發為郡。一日夢毅夫來。但見轎中一白龍身首。即毅夫也。因出俸營窆之。此夢瑣言。歸登尚書。每浴必屏左右。或自外窺之。乃一巨龜也。

占相篇。行步舒緩。意有所規。多害生類。從鶴中來。體小好姪。意不常定。見色心惑。從雀中來。語則瞋恚。不察來義。口出火毒。從鶴中來。眼赤齒短。語便吐沫。卧則纏身。從蛻中來。

雕卵破得嬰兒

產孕之奇者。佛經毘舍離國。有塔名放弓。仗昔恆水上流。有一國王。小夫人生一肉胎。以為不祥。擲恆水中。有國王見而開看。有千小兒。端正殊特。王取養之。長甚勇健。伐父王本國。小夫人言。但於城東作高樓。賊到。小夫人於樓上言。汝是我子。何作此反逆事。汝不信。盡仰向張口。小夫人以手攝兩乳。乳各作五百道。墮千子口中。賊知是母。即放弓。仗於是思惟。皆得辟支佛。千小兒者。即賢劫千佛也。又永嘉中。平陽韓

媼拾巨卵歸得嬰兒字曰撫方四歲劉淵築平陽城不就募能城者撫因變蛇令媼舉灰識後憑灰築城城可立就淵怪之遂投入山穴露尾數寸忽有泉涌出遂成池今名金龍池舊記洱海漁者拾雕卵破之得嬰兒乳之長成人稱為宗模師能以符呪水土為酒食十萬人皆醉飽一日化為鵬飛集高興寺不知所適偃王志徐國宮人姪娠生卵棄之獨孤老母有犬名鵠蒼得卵銜歸生小兒生時正偃故以為名徐君聞而收之長而仁智王徐國鵠蒼死后生角而九尾偃王葬之名狗壠春渚記聞楊文公之生也其胞陰始脫則見兩鶴翅交掩塊物切切蠕動其母急令密棄諸溪流始出戶而祖母迎見急啓視之則兩翅歛開中有玉嬰轉仄而啼舉家驚異杭州志宋儀王仲湜生有紫光照室及視則肉塊也以刀剖之遂得嬰兒牙門將陳義傳云昔陳氏因雷雨晝冥庭中得大卵覆之數月卵破有嬰兒出焉後數日有雷扣戶入室乳子歲餘而能食乃不至義即卵中兒也故郡號雷州寶誌公宋元嘉中現於東陽郡古木鷹巢中手類鳥爪朱氏婦聞巢中兒啼遂收育之因以朱為姓述異記梁時毗陵韓文秀見鹿生一女子在地遂收養之長而女冠號為鹿娘后入棺武帝致祭但聞異香不見骸骨蓋尸解也今墓在江陰華亭縣桂苑叢談隋文帝時黎陽王德

祖家有林檎樹生瘻大如斗經三年朽爛剖皮得一嬰兒德祖收養之因林木而生曰梵天后改曰志蓋菩薩示化也

剖檳榔得女子增

陶朱新錄宋熙寧中交州峒中檳榔生瘻剖而得一女子養之有殊色交人求之不與遂滅峒取女而去號檳榔女又韓婆娑經稱西國有一商人將鶴入海採寶與鶴戲寢其后合會遂生二卵各出兒后學道出家一名尸婆羅一名優鉢尸婆羅元史畏吾兒之先樹瘻所產也和林一樹生瘻九月而潰五兒出焉最稚者曰小吉可罕既長遂有其地

鷄母殼中哺出小兒

秦孝公二十一年有馬生人周哀王九年晉有豕生人永嘉中壽春城內有豕生人兩頭而不活周復取而觀之識者曰豕北方畜胡狄象兩頭者無上也生而死不遂也靈帝元和元年司徒長史馮巡馬生人愍帝建興二年蒲子縣馬生人僖宗乾符二年河北有馬生人成帝咸和六年錢塘人家豕生二子而皆人面如胡人狀其身則豕中和元年九月長安馬生人元恪延昌四年陽平有豬生子頭面似人頂有

髻體無毛。僖宗廣明元年。稷山縣民豕生如人。但無眉目耳髮。猶園蕭塘宋舉人家有義子名善緣。畜一母鷄。殼中哺出一小兒。頭顱面目。與人無異。啼聲呱呱。棄之於河。宋乾道六年。南雄州民家豕生數豚。而首各備他獸形。亦有人首者。占為邑有亂。京房易傳曰。上亡天子。諸侯相伐。厥妖馬生人。又曰。豕生人頭。豕身者危。

女化為男

女化為男者。魏襄王十三年。魏有女子化為丈夫。漢末徐登以女子化為丈夫。有幻術。晉元康中。安豐女子周世寧。八歲漸化為男。至十七八歲。氣性成。遂能御女。南宋文帝元嘉二年。燕中女子化為男。康寧初。江陵女子唐氏。劉聰時。內史女人唐光啓二年。鄆縣女子朱字化為丈夫。旬日而死。慶元三年。袁州黃念四女子。括異志。廣州蕭氏女大娘子。宋乾道三年。永州支氏女。俱化為男子。地志。合州女冠范志立。天寶中。任安奉使至慕之。往謁。志立變為男子。嘉靖二十七年七月。大同右衛參軍馬祿女。年十有七。將適人。化為男子。又男化為女者。哀帝建平中。豫章有男子化為女子。嫁為人婦。生一子。長安陳鳳言。此陽變為陰。將亡繼嗣。自相生之象。一曰嫁為人婦。生一子者。將復一世。乃絕。漢建安七年。越舊有男子化為女子。華陽國志。武都丈夫。

化為女子。口王寵之至亡國。劉曜時武功男子蘇撫陝男子伍長平並化為女。國朝隆慶二年五月山西太原府靜樂縣民李良雨娶妻數年以不和離異后卧病遂化為女。經脉流行與同村民白尚相奸配其弟良雲以事上所司巡按御史宋纁奏聞譚紫霄化書曰至淫之極男化為女至暴之極人化為虎京房傳曰女子化為丈夫茲謂陰昌賊人為主丈夫化為女子茲有陰勝厥咎亡。一曰男化為女宮刑濫也女化為男婦政行也。

人化異物

人有化為異物者。若鮓化為黃熊伯奇為伯勞齊女為蟬樂浪尉為魚開明氏望帝修道處西山而隱化為杜鵑褒姒化龍閻閻長子葬畢化為白龍又吳越春秋云閻閻有女怨王自殺其女化為白鶴舞於吳市淮南子魯有公牛哀病七日化虎太平廣記漢靈帝時江夏黃母化龜徐伯化魚丁令威化鶴蜀女化蠶曹公採藥吏為啄木迷異記幽王時羣臣化為狼食人。今洛陽有避狼城楚莊王宮人一日化為野蛾飛去抱朴子穆王南征久而不歸一軍皆化君子為猿為鶴小人為蟲為沙夏桀時宮中有女子化為龍不可近俄而復為婦人桀命為蛟妾隋書相州有僧化為蛇李

世妾化為班蛇。又有鄭美人化為雌虎。一夕食勢寵姬歐陽永叔集古錄宣城令張路斯九子皆化為龍。秦時上谷王次仲作八分書。始皇徵之。化為大鳥飛去。博物志赤帝之女名女媧。往遊於東海溺死而不返。其神化為精衛。嘗取西山之木石以填東海。漢武時張寬為揚州刺史。有二老翁爭地界。化為蛇。大唐奇事隴右百姓劉潛有女無故而死。其屍忽為一白鸚鵡。吳錄寶鼎年間丹陽宣審母化為鼃。孫恪妻袁氏至峽山寺。化為老猿。劉涓子微善畫龍。一日有夫婦二人造門觀畫。化為雙龍。廣五行記晉末江州人年百餘歲。頂上生角。忽入舍前江中。化為鯉魚。搜神秘覽魏帝黃初中清河宋士宗母化為龜。異苑鄱陽樂安人姓彭。世以獵射為業。每入山與子俱行。後忽蹙然而倒。化成白鹿。瀟湘錄萬壽中長安李審言化為羊。益州刺史張全駿馬化為婦人。十餘年復化為駿馬。西京記郝皇后性妬忌。武帝初立未及冊命。因怒忽投殿庭井中。眾趨井救之后已化為毒龍。宣政雜錄載宣和庚子南皮弓手張德死半歲化為白蛇。崔導見有一丈夫曰。前生負君錢百萬。上天令我合門為橋計償於君。

附記文海披沙載人與物交者。槃匏之妻與狗交。漢廣川王裸官人與羝羊交。靈

帝於西國弄狗以配人。宋文帝元嘉中，吳興東遷孟慧度婢蠻，與狗通好。明帝初，柴桑有狗與女人交，三日不分離。寧州真寧縣人與羊交，生羊。有人指甲，沛縣磨婦與驢交。杜修妻薛氏與犬交。利州人子婦與虎交。宜黃袁氏女子與蛇交。臨海鰥寡與魚交。章安郡吏悝女與鵝交。突厥先人與狼交。衛羅國女配瑛，與鳳交。宇宙之中，何所不有也。

附抄歸雲外集：蛇化雉，雉化蜃，魚化龍，田鼠化鴛，雀化蛤，鳩化鷹，鵲化鸛，蜃化穀。此以形類化者也。柳絮化萍，伏苓化龜，橘化枳，莧化蟹，樹化牛，稻化蟹，蔬化蝶，腐菌化蜂，腐草化螢，腐麥化蛾，朽木化蟬。此以氣類化者也。狐化人，雌鷄為雄，猿化龜，星化肉，雨化血，地化毛。此以災異化者也。杖化龍，鳥化鳧，人化羊，化鶴，星化豕，井化酒，几化麋，杞化犬，米化丹。此以仙術化者也。至於王莽時，五銖錢化為龜兒。元嘉中，河內司馬元胤祭柑化為鵝。桐廬山中竹化為雉。唐太和九年，鄭注篋中藥化為蠅，數萬飛去。宋元祐間，辰州丹砂化為雉，尤為異聞。

玄覽：稷米為鮒，腐菌為蜂，朽竹為蜻蜓，朽瓜為蠹魚，荇莖為鰕，蒿為螻蛄，朽麥為蜣蝶，朽稻為螢，朽木為蟬，田鼠之為鵲也，田鷄之為鵲也，雉之為蜃也，燕雀之為

蛤也寒鳥之為鰓也公蠋蛇為鱧水蠶為蠲蠱蟲為蝙蝠老獠為猿石首魚之為冠鳥鷄為鷓鴣為布穀布穀久復化為鷓也鼃亦為鷓服翼亦為魁蛤黃魚為鷓鵂泡魚為豪豬海鯊為虎海魚為黃雀

男子孕育

婦人誕育之異物怪人疴史不絕書若哀牢夷之先婦人觸沉木而孕周宮人遇龍漿而孕楚王夫人納涼抱鐵樹而孕史滿女飲書佐盥手水而孕女子國婦人浴黃池即妊託為不經至男子孕育則奇之奇矣宣和雜錄建炎戊申鎮江府民家兒生四歲暴得腹脹疾經數月臍裂有兒從裂中出眉目口鼻俱全但頭以下手足不分明又出白汁斗餘三日與子俱死晉時豎陽人任谷耕於野見羽衣人就淫之遂孕至期復至以刀穿其臍下一蛇子遂成宦者耳談齊門外臨甸寺有僧二十餘歲患蠱疾五年不差而死及荼毘火方熾忽爆響一聲僧腹裂中有一胞胞破出一人長一寸面目肢髮無不畢具美鬚鬢然垂腹又宿遷男子張二產一男落地呱呱聞中張令親見之漫筆吳縣九都一圖人孔方年五十四歲嘉靖二年十月內晚行曠野兩次聞有呼其名者俱不見人後每夜睡夢中覺有一小兒在旁如此數次至

十一月間腹內覺有肉塊日漸長大四年正月內腹內時加攪痛二十四日穀道出血不止二十六日巳時產下一胞當即暈倒妻沈氏隨將磁瓦畫開有一男子小軀在內身長一尺髮二寸口耳目鼻俱全鄰婦徐氏看稱怪異即棄太湖中又宋史宣和六年有賣青果男子孕而生女蓐母不能收易七人始娩而逃去庚巳編嘉定江東沈鏜者病革時尻後僮出一人長寸許兩目手足肢節無不畢具後數日鏜死謝在杭曰近日男色甚於女此必至之勢余謂鳩摩羅釋見二小兒登肩欲得婦人一入幃而生二子又讀南楚新聞南方獠婦生子便起其夫卧牀褥飲食皆如乳婦稍不衛護其孕婦疾皆生焉又云越俗其妻或誕子經三日便澡身於溪河返具糜以餉婿婿擁衾抱雛坐於牀榻稱為產翁夫慾障既感男子則即孕育其體自無可疑然則向之孕成而產乃真產翁可發一祭又有鬼魂生子者幽明錄上郡胡馥之婦李氏無子而卒哭之慟婦忽起坐曰感君痛悼我不即朽可於燈後見就當為君生一男馥之如言就之既十月生一男名靈產又因夢受孕者異苑晉咸和初徐精遠行夢與妻寢有身明年歸妻果產如其言國初吳興弼聘君母居江右父官於京同夢相交合而生聘君並志之以廣異聞

孕三年子

異苑太原溫盤石妻懷孕三年。然後生墮地便坐而笑。鬚髮覆面。牙齒皆具。畫墁錄鳳翔婦與黃冠通而孕。不能決。在禁中四年。英廟登極。赦到宣竟。而婦生子。髮被面。齒滿口。甘澤謠大曆末。洛陽惠林寺僧圓觀與諫議李公入三峽。維舟山下。見婦女輩出遊。圓觀垂泣。李公驚問。圓觀曰。其中孕婦姓王者。是某託生之所孕。三載未產。以某未至也。某往投生。公三日後來視。一笑為驗。是夕圓觀卒。而孕婦生子矣。成化間。漳平縣有朱孔良家婦懷孕三年。乃生子。即轉身行步。昇樓而去。數月生復來。又去。週歲復來自斷髮為一小結。取藏之。與母別曰。數十年後髮解。則吾復生矣。遂去不復來。昔堯十四月而生。明帝亦十四月而生。老子至八十一年而產。此等事自古有之。游宦紀聞。濟南同知胡約婦李氏自幼弗孕。至年四十八。忽有身。居二十四月。至嘉靖戊戌生子。髮長覆眼。落地即能言笑。近大同馬中翰吳德內人。以癸卯成孕。至庚戌免身。蓋閱八歲而始生。子亦不甚大。但髮長尺許。閩醫生為余言。前海道潘與偕。一郎孕四十月始生。生而能言。才四歲。如七八歲人。知奇事。世不乏也。有緣經佛在世時。阿舍城中。有長者。財寶無量。其婦滿足十月。便欲產子。然不肯月出。尋重

有身足滿十月復產一子。先懷者住在右脇。如是次第懷娠九子。各滿十月而產。惟先一子故在胎中。迨母命終載其屍。請太醫者婆破看得一小兒形狀。故小髮皓白。俯偻而行。語諸親言。我由先世詈辱眾僧。故在此熱藏中。經六十年受此苦惱。

扇搥半釋迦

輟耕錄世有男子。雖娶婦而終身無嗣育者。謂之天閹。世俗則命之曰黃門。晉海西公常有此疾。北齊李庶生而天閹。按黃帝鍼經。宦者去其宗筋。傷其衝脉。血寫不復。皮膚以結。唇口不榮。故鬚不生。其有天宦者。任衝不盛。宗筋不成。有氣無血。唇口不榮。故鬚不生。大般若經載五種黃門。云梵言扇搥半釋迦。唐言黃門。其類有五。一曰半釋迦。總名也。有男根而不生子。二曰伊利沙半釋迦。此云妬。謂他行欲即發。不見即無。亦具男根而不生子。三曰扇搥半釋迦。謂本來男根不滿。亦不能生子。四言博叉半釋迦。謂半月能男。半月能女。五曰留拏半釋迦。此謂割。謂被割形者。此五種黃門。名為人中惡趣受生處。醫書載五不男。天捷妬變半。五不女。螺紋角鼓線。

生男兩頭共身

漢中平元年六月壬申。雒陽男子劉倉居上西門外。妻生男兩頭共身。後齊天保中。

臨鄆有婦人產子二頭共體儀鳳三年四月涇州獻小兒連心異體初鵠縣衛士胡萬年妻吳生一男一女其胸相連餘各異體析之則皆死又產復然俱男也遂育之至是四歲以獻於朝漢平帝元始中長安女孕生兒兩頭異頸面相向四臂共胸俱前向尻上有目長二寸愍帝建興四年新蔡縣吏任僑妻胡氏產二女腹與心相合自胸止臍以下分蓋未有之妖也時內史呂會上言案瑞應圖異根同體謂之連理草木之屬猶以為瑞今二人同心天垂靈象故易云二人同心其利斷金斯蓋四海同心之瑞謹畫圖上識者哂之咸通十三年四月太原晉陽毛家有嬰兒兩頭四手聯足此天下不一之妖隆興元年建康民流寓行都產子二首具羽毛之形慶元元年平樂縣民婦生子有尾永州民產子首有角腋有肉翅乾道五年餘杭民婦產子連體兩面相向者三家淳熙十年番陽南鄉產子肘各有三臂及長鬣則六臂並連漢劉聰時光義人羊充妻產子二頭其夫竊而食之三日而死南漢劉鋹時南海民妻生子兩首四臂嘉定元年鎮江後軍妻生子一身二首四臂吳祝允明語怪載宏治末太倉民家生兒兩身背相粘着兩面外向其首如雀其陰皆雄又山海經三身國在夏后啓北一首而三身一臂國一臂一目一鼻孔奇肱之國一臂三目又一目國

一目中其面而居。柔利國為人一手一足。反膝曲足居上。深目國為人一手一目。又曰服常樹。其上有三頭人。伺琅玕樹。又大荒之山有人焉。三面一臂。是顓頊之子。三面之人不死。

人兼男女二體

宋趙忠惠帥維揚日。幕僚趙叅議有婢慧黠。盡得儕輩之歡。趙昵之。堅拒不從。疑有異。強即之。則男子也。聞於有司。蓋身二形。前後姦狀不一。遂寘之極刑。近李安民嘗於福州得徐氏處子。年十五六。交接一再。漸且男形。小說有池州李氏女。及婢添喜事。正相類。此外絕不見於古今書傳。豈以為人妖而汙筆墨。不復載乎。惠帝時。京洛有人兼男女二體。亦可兩用人道。而性尤淫亂。史臣謂亂氣所生。自咸寧太康之後。男寵大興。甚於女色。士大夫莫不尚之。或至夫婦離絕。多生怨曠。故男女氣亂而妖形作也。褚氏遺書曰。非男非女之身。精血散分。又曰。感以婦人。則男脉應胎。動以男子。則女脉順指。皆天地不正之氣也。事載周公謹癸辛雜誌。又玉曆通政經。男女兩體主國淫亂。異物志。靈猩一體。自為陰陽。故能媚人。而二十八宿真形圖所載。心房二星。皆兩形。與丈夫婦女更為雌雄。又理之不可解者。謝在杭五雜俎云。近聞毘陵一縉